

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

XII.

[urn:nbn:de:bsz:31-122751](#)

sunt, per hunc tabellarium ad me mittas. Meminit etiam versionis Chronicus germanicus: Quam si isthic alicui idoneo commendare velit, primam Chronicus partem emendatam & auctam illi mittam. Etsi enim apud nos aliquis in Germanicorum sermonem eam traduxit, tamen elegantiorum ac nitidiorum obtineri posse optarim. Prolixioris epistolæ loco adjunctæ pagellæ mihi apud te futuræ sunt. Itaq; desino, & DEUM, ut nos doceat & gubernet, oro. Die Triumphi Christi, 1591.

### David Chytraeus.



#### XII.

S. D. Reverende & clarissime Dn. Doctor,  
frater carissime.

Literæ tuæ, quibus 7. Junii adscripsisti, tempestivè mihi redditæ sunt. Priores verò, quas Jenensi tabellario te commendasse ostendis, nondum ad me pervenerunt, sicut nec exemplaria Chronicus, quæ Jobinum, Francofurti, euidam in maritimis locis habitanti, tradidisse scribis, haec tenus accepi. Oro igitur, ut nomen illius, qui exemplaria recepit, & urbis, in qua habitat, ex Jobino inquiras, & ad me prescribas. Interim, si absque incommodo Jobini fieri potest, sex adhuc vel octo paginarum recusarum exempla, à reliquo Corpore Chronicus separata, per hunc Tabellarium ad me perferriri optarim. In narratione de obitu Marchionis, cùm de hærede masculo dubitarem, admonendi causa in margine verba (inquiratur & emendetur) adscripsiteram, quæ in aliâ editione deleri poterunt. Scribis, Jobinum petere, ut prima Chronicus pars emendata isthuc mittatur, ut converti in linguam germanicam queat. Eam tabellario huic persoluta mercede tradidi, nec pluribus eum onerare ausus sum. Optarim autem, Latini Chronicus pagellas custodiri, si forte aliquando in folio, omnia simul ex illis collocanda essent. De Canonis vestris, & alijs, quæ in vicinia publicè aguntur, à te doceri percupio. Apud nos omnia in pristino statu sunt, nisi quod D. Simonem Pauli collegam, mox secuturi, præmisimus, ut ex Programmate adjuncto cognoscas. CL. V. Dn. D: Obrechtum & Josephum Langium reverenter saluto. Benè & feliciter æternū vale. Calendas Augusti, Anno 1591.

David Chytraeus.

XIII.

## XIII.

*Salutem in Christo, Reverende & clarissime Domine Doctor, compater honorande.*

Hic Johannes Bickingerus, Hessus, meus conterraneus, de improviso vniens, officium perferendi ad teliteras mihi obtulit, qui, cum fidem testimoniis confirmasset, quod non procul a vestro oppido scholasticum munus obiret, facile longas a me literas impetrasset, si moram aliquam ferre potuisset. Cum autem voluntati ejus nautae festinatio obstatet, has brevissimas ei ad te perferendas dedi. Nuper Valentinus noster a vobis sine tuis literis revertus, & adversam valetudinem tuam, quod minus describeres, in causa fuisse referens, me maxima tristitia affecit. Etsi autem spero, te vires integras recuperasse, tamen solicitudinem deponere nequeo, priusquam literis tuis inde liberer. Dabis igitur operam, ut quam primum me certiorem reddas. Edidi hoc anno librum Francofurti a Spiesio excusum, qui habet pleniorum explicationem locorum Theologicorum. Eum etiam quatuor Austriaci ducatus provinciarum proceribus dedicavi, ob causas in præfatione explicatas. Etsi autem metuo, ne crebris illis dedicationibus proceres offendam, tamen & tua & Veneti intercessione meconsolor. Non peto, ut me remunerent ex ærario, tantum ut gratio animo me dedicare agnoscant, & hilari vultu excipiant. Quod verò ad compensationem attinet, hoc unum oro, ut current a singulis ministris singula emi exempla, & illa collecta pecunia mihi mittatur. De hac re etiam ad D. Pastorem vestrum scribam, sicut ei nuper promisi, ita sine dispendio & publicæ & privatæ pecuniæ compensatio impensæ, quam in eum librum feci, fieri poterit. Pastum demonstrare possum, quod inter me & Spiesium fuit initum. Oportuit me, deprompta pecunia, ab eo ad me recipere 500. exemplaria. Ea misit huc, & recepit a me in bona moneta missos florenos 250. pro vestura persolvi florenos 15. Hic nullum exemplar vendidi. Norimbergæ, Augustæ & in tota vicinia, ubi nostra regnat religio, bibliopolæ habent exemplaria, quæ Francofurto sibi allata curarunt. Magnum igitur damnum accepturus sum, nisi in vestrarum Ecclesis & Scholis indicato modo compensationem impetrem. Ad hanc rem, ut & tua mihi pietas commodare dignetur, oratum volo. Si Domini autoritatem suam interposuerint, & rei huic D. Pastor facerit, felix hoc meum erit consilium. Dominos gravare nolo, cum & nuper multum dederint. Misí exemplarium copiam dolio inclusorum per Lyncianos mercatores in Stiriam: inde ad vos rata pars transferetur, sicut & tertia pars in Carniolam. Plura jam nequeo propter Nautæ festinationem. Gratiarum actio ad Dominos è Stiria, simul mittitur: Munus eorum adhuc Græcii apud D. Venetum est, & forte jam per Lyncium ad me mittetur. Saluta ex me D. Paster-